



ՄԱՍԼՈ ՀԱՂՈՐԴԱԳՐՈՒԹՅՈՒՆ

07 մայիս, 2015թ.

ք. Երևան

«Բարեխղճության ապահովումը հանրային ծառայության ոլորտում» հակակոռուպցիոն միջոցառման

2015 թվականի մայիսի 7-ին Վանաձորում կայացավ հակակոռուպցիոն միջոցառում «Բարեխղճության ապահովումը հանրային ծառայության ոլորտում» թեմայով՝ Լոռու մարզի ՔՀԿ-ների և ՁԼՄ-ների մասնակցությամբ:

Այն կազմակերպվել էր ՀԵԻԱ-ի կողմից՝ Եվրոպական Միության և ԵԱՀԿ Երևանյան գրասենյակի համաֆինանսավորմամբ իրականացվող «Կոռուպցիայի դեմ պայքարի բազմակողմանի խթանում» ծրագրի շրջանակներում:

«Կոռուպցիայի դեմ պայքարի բազմակողմանի խթանում» ծրագրի տեղական փորձագետ Մարատ Ատովյանը խոսեց լավ կառավարումից և բարեխղճությունից. «Կոռուպցիայի դեմ պայքարը, արդյունավետ կառավարման համակարգի ձևավորումը բավականին երկարատև գործընթաց է: Դրա համար կարող են տասնամյակներ պահանջվել: Դրական արդյունքի հասնելու համար անհրաժեշտ է ամուր քաղաքական կամք, հետևողական, ամենօրյա մասնագիտական աշխատանք և հանրության ակտիվ ներգրավվածություն»:

Հասարակական վերահսկողությունը հանրային ծառայության ոլորտում բարեխղճության ապահովման համատեքստում թեման ներկայացրեց «Կոռուպցիայի դեմ պայքարի բազմակողմանի խթանում» ծրագրի միջազգային փորձագետ Քարլ Ուլբրիխտը:

Համայնքների զարգացման ռազմավարական կենտրոն ԶԿ նախագահ Գևորգ Քոթանջյանը առանձնացրեց հակակոռուպցիոն կրթությունը՝ սկսած դպրոցահասակ երեխաներից, իսկ «Առավոտ» ԶԿ-ից Սիրարփի Պետրոսյանը խոսեց կոռուպցիոն ռիսկերից առողջապահության ոլորտում: Նա շեշտեց, որն ինչքան շատ լինեն հակակոռուպցիոն քննարկումները հենց հասարակության ներսում, այնքան ավելի արդյունավետ հիմքի վրա կդրվի կոռուպցիայի դեմ մղվող պայքարը:

Ծրագրի հիմնական նպատակն է մեծացնել ՔՀԿ-ների դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում կիզոնվեն ՔՀԿ-ների և ՁԼՄ-ների մոնիթորինգի և վերահսկողության կարողությունները: Կազմակերպվեն հակակոռուպցիոն դասընթացներ ՀՀ մարզերում ՔՀԿ-ների և ՁԼՄ-ների համար՝ կոռուպցիոն բնույթի և տեղեկատվության ազատության խնդիրներն առավել լավ ըմբռնելու համար: Այս միջոցառումների նպատակը հակակոռուպցիոն գործողությունների իրականացման առկա հնարավորությունների խորացումն է: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով կտրամադրվեն փոքր դրամաշնորհներ: Հակակոռուպցիոն ինստիտուցիոնալ մեխանիզմների ամրապնդման համար ՔՀԿ-ների մասնակցությամբ կմշակվի ՔՀԿ-կառավարություն կայուն երկխոսություն:

Ծրագիրն իրականացվում է Եվրոպական միության ֆինանսական օժանդակությամբ՝ «Հայաստանի երիտասարդ իրավաբանների ասոցիացիա» ԶԿ-ի կողմից (իրականացնող)՝ «Ինֆորմացիայի ազատության կենտրոն» ԶԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650.000 եվրո, որից ԵՄ ներդրումը կազմել է 585.000 եվրո, ԵԱՀԿ Երևանյան գրասենյակի ներդրումը՝ 15.600 եվրո:

Հայաստանի երիտասարդ իրավաբանների ասոցիացիան (ՀԵԻԱ) ստեղծվել է 1995թ.-ին: ՀԵԻԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրագրել է, իսկ նրա իրավունքները՝ պաշտպանված:

Ինֆորմացիայի ազատության կենտրոնը (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

Լրացուցիչ տեղեկությունների համար կարող եք դիմել Օրագրի հանրային կայքի համակարգող Նարինե Կարապետյանին, աշխատանքային օրերին, ժամը 9.00-18.00: հեռ. 540199; ֆաքս 580299; URL <http://www.ayla.am>: Կատարող՝ Նարինե Կարապետյան, էլ.փոստ՝ pr@ayla.am



Եվրոպայում անվտանգության և համագործակցության կազմակերպություն Երևանյան գրասենյակ

Հայաստանի երիտասարդ իրավաբանների ասոցիացիա
Հասցե՝ Նալբանդյան 7, քմ. 2
Երևան, Հայաստան, 0010

Ինֆորմացիայի ազատության կենտրոն
Հասցե՝ Բուզանդի 1/3
Երևան, Հայաստան, 0010

Ծրագիրը համաֆինանսավորվում է Եվրոպական միության կողմից

Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային գանգալությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ:

Ծրագիրը համաֆինանսավորվում է ԵԱՀԿ Երևանյան գրասենյակի կողմից
Հեռախոս +374 10 229610
Հեռապատճեն +374 10 229615

ԵԱՀԿ Երևանյան գրասենյակը գործում է 1999թ.ից, որի առաքելությունն է աջակցել Հայաստանին զարգացնելու իր ժողովրդավարական հաստատությունները և ամրապնդելու քաղաքացիական հասարակությունը՝ գործելով օրենսդրական բարեփոխումների, կոռուպցիայի և թրաֆիքինգի դեմ պայքարի, բնապահպանական, մարդու իրավունքների իրագրական բարձրացման, լրատվամիջոցների ազատության և այլ ոլորտներում:

Հեռախոս: +37410 54 01 99
Հեռապատճեն: +37410 58 02 99

Հեռախոս: +37410 56 03 60
Հեռապատճեն: +37410 56 03 60

Հայաստանում Եվրոպական միության պատվիրակություն
Հեռախոս +37410 54 64 94
Հեռապատճեն +37410 54 64 95